

武邑縣志卷五

典禮志

古今之變不同俗之便習亦異故禮因時爲損益自漢以來司馬之禮書班之禮樂志范之禮儀志詳哉言之矣宋迄明更從而恢張之然上下幽明大小綱目或尙缺至我

朝折衷歷代會典通禮諸書斟酌明備自朝廷至州縣鄉黨奉行嚴恪用成風化炳炳麟麟紹美虞周何其盛與茲敬謹編輯循而習之者當思夫禮之所以爲禮毋徒據登降

讓拜俛伏興之節謂足稱嘉會之合哉志典禮

慶典

萬壽聖節元旦令節冬至日爲三大節是日五鼓知縣率僚屬
集

萬壽宮禮生贊引序班朝賀如制

頒詔至知縣率僚屬具

龍亭儀仗鼓樂郊迎至縣堂供奉行禮宣讀如制

祀典

社稷壇 會典爲
大祀

禮部則例凡直省府州縣各擇爽塏之地建壇均北向歲以春秋仲月上戊日爲民祈報府州縣皆正印官將事以各學教官糾儀生員充禮生

會典凡致齋大祀三日中祀二日小祀不懸齋戒牌亦不致齋所戒不理刑名不宴會不聽音樂不入內寢不問疾不弔喪不飲酒不食葱韭薤蒜不祈禱不報祭不祭墓其有炙艾體氣殘疾瘡毒未愈俱不許陪祀

祝文乾隆九年新頒維年月日致祭於

社稷之神曰惟

神奠安九土粒食萬邦分五方以表封圻育三農而蕃稼
穡忝成守土肅展明禋時屆仲春敬修祀典庶九九松柏
鞏磐石於無疆翼翼忝苗佐神倉於不匱尙饗

陳設雍正二年頒定每位用黑色制帛一白磁爵三羊一
豕一鉶二簋二簋二邊四豆四祭品鉶實和羹簋實黍稷
簋實稻粱邊四實形鹽鰯魚棗栗豆四實韭菹醯菁菹
鹿脯

儀注正祭日鷄初鳴承祭官以下咸朝服齊集黎明贊引
禮生二人引承祭官詣盥洗所盥洗通贊禮生贊執事各

司其事贊引者引承祭官至階前拜位立引班禮生二人分引陪祭官文東武西各就拜位序立乃迎

神贊引者引承祭官升壇詣香案前司香跪奉香承祭官三上香復位行三跪九叩禮陪祭各官皆隨行禮奠帛初獻爵司帛奉篚進跪奠篚司爵奉爵進獻爵奠正中皆退司祝禮生至祝案前跪承祭官暨陪祭各官皆跪司祝讀祝畢詣

神位前跪安於案叩如初退承祭官暨陪祭各官行三叩禮亞獻爵奠於左終獻爵奠於右均儀如初獻乃徹饌送

神承祭官行三跪九叩禮陪祭各官皆隨行禮司祝奉祝司帛奉帛送瘞所承祭官轉立拜位西旁東面侯祝帛過復位引至望瘞位望瘞贊引告禮成引退衆皆退

先師

會典爲中祀

會典直省府州縣每歲春秋仲月上丁日各行釋奠禮以地方正印官主祭陳設禮儀均與國子監丁祭同

禮部則例直隸省會之府州縣丁祭日長官正獻兩序以其貳及所屬兩廡以食餼弟子員各一人分獻糾儀以師儒司祝司香司帛司爵司饌引贊通贊俱以學弟子員爌

禮儀者執事並致齋二日月朔釋菜望日上香以教官分班行禮與太學同

樂童乾隆八年新定

迎神奏昭平之章曰大哉孔子先覺先知與天地參萬世之師祥徵麟紱韻答金絲日月既揭乾坤清夸初獻奏宣平之章曰予懷明德玉振金聲生民未有展也伏成俎豆千古春秋上丁清酒旣載其香始升亞獻奏秩平之章曰式禮莫愆升堂再獻響協鼗鏞誠孚壘廟肅肅雍雍譽髦斯彥禮陶樂淑相觀而善終獻奏敘平之章曰自古在昔

先民有作皮弁祭菜於論思樂惟天牖民惟民時若彛倫
攸敘至今木鐸徹饌奏懿平之章曰先師有言祭則受福
四海蠻貊疇敢不肅禮成告徹毋疏毋瀆樂所自生中原
有菽送神奏德平之章曰鳧繹峩峩洙泗洋洋景行行止
流澤無疆聿昭祀事祀事孔明化我蒸民育我膠庠

〔祝文〕乾隆九年新頒維年月日致祭於

至聖先師孔子曰惟

師德隆千聖道貫百王揭日月以常行自生民所未有屬

文教昌明之會正禮和樂節之時辟雍鐘鼓咸恪薦於馨香泮水

膠庠益致嚴於籩豆茲當仲

春秋

祇率彝章肅展微忱聿將祀典以

復聖顏子

宗聖曾子

述聖子思子

亞聖孟子

配尚饗

陳設雍正三年定大成殿正位祭品添設大牢乾隆四年
頒發文廟各壇陳設於學

先師位前設案一陳牛一羊一豕一登一鉶二簋二簋二
籩十豆十鑪一鐙二 四配位前各設案一陳羊一豕一
鉶二簋二簋二籩八豆八鑪一鐙二東西十二哲各設案
一陳鉶二簋二簋一籩四豆四鑪一鐙二東西各羊一豕

一東西廡均二位同一案每位爵一每案簋一盞一籩四
豆四先賢案前東西各羊二豕二香案一鑪一鐙二先儒
案前東西各羊一豕一香案一鑪一鐙二殿中設一案少
西北向供祝版其南東設一案西向陳禮神制帛九色白
香盤四尊三爵二十有七西設一案東向陳禮神制帛八
香盤三尊二爵二十有四凡牲陳於俎凡帛正位四配異
筐十二哲分東西以六帛共筐兩廡設二案於南均北向
各陳禮神制帛二香盤二尊三虛爵六俎筐鬯勺具

儀注祭之前一日有司飭廟戶潔掃殿廡內外視宰官公

服詣神厨視宰正獻官率各官及執事生入學習儀教官
率樂舞生入學習舞習吹樂用六佾祭日五鼓陳牲帛齊
盛省視如儀

案至日五更正獻分獻各官入廟集更衣所贊引生請行
禮正獻官盥洗畢贊引生導正獻官由旁階自殿左門入
至拜位前北嚮立贊禮生引分獻官至階下左右序立均
北面興儀生贊樂舞生登歌執事官各共廼職文舞六佾
進贊引生唱就位正獻官分獻官就拜位立廼迎

神司香生奉香盤進司樂生贊奉迎

神樂奏昭平之童樂作贊引生唱就上香位導正獻官升東階詣

先師香案前跪正獻官跪俯伏贊上香司香跪捧香正獻官三上香畢俯伏興分獻官各詣四配十二哲兩廡先賢先儒位前跪上香儀同贊復位唱跪叩興正獻官暨分獻各官行三跪九叩禮興樂止典儀贊奠帛爵行初獻禮奏宣平之童舞羽籥之舞樂作贊引生引正獻官升階詣

先師位前跪正獻官跪俯伏司帛生跪捧篚正獻官受篚拱舉奠於案興司爵生跪捧爵正獻官受爵拱舉奠於塾

中俯伏興贊引生贊就讀祝位司祝至祝案前跪三叩捧祝版跪案左樂暫止引正獻官至殿中拜位立贊跪正獻官暨分獻各官皆跪贊讀祝司祝讀祝畢詣

先師位前跪安於案三叩退樂作正獻官暨各官均行三叩禮興分獻官詣四配十二哲兩廡跪奠帛獻爵儀同復位樂止行亞獻禮奏秩平之章樂作舞同初獻贊引生引正獻官升階詣

先師位前奠爵於左如初獻儀四配十二哲兩廡分獻畢均復位樂止行終獻禮奏敘平之章舞同亞獻樂作引正

獻官升階奠爵於右如亞獻儀分獻官以次畢獻均復位
樂止文德之舞退典儀贊飲福受胙贊引生贊詣受福胙
位引正獻官至殿中拜立捧福胙二人自東案捧至

先師位前拱舉退立於正獻官之右接福胙二人自西案
進立於左贊跪正獻官跪贊飲福酒右一人跪遞福酒正
獻官受爵拱舉授於左興次受胙如飲福之儀贊叩興正
獻官三叩興贊復位引正獻官復位贊跪叩興正獻官暨
分獻各官均行三跪九叩禮興典儀贊徹饌奏懿平之章
樂作徹饌畢樂止贊送

神奏德平之章樂作正獻官暨分獻各官行三跪九叩禮
樂止有司奉祝次帛次饌次香送燎所正獻官轉立拜位
旁西嚮候祝帛過復位樂作詣燎所視燎畢唱禮成導正
獻官向殿左門出樂止各執事皆退

崇聖祠順治二年定每歲致祭日期與文廟同

祝文乾隆九年新頒維年月日致祭於

肇聖王 裕聖王 詒聖王 昌聖王 啟聖王曰惟

王奕葉鍾祥光開聖緒聖德之後積久彌昌凡聲教所覃
敷率循源而溯本宜肅明禋之典用申守土之忱茲屆仲

春秋聿修祀典配以 先賢顏氏 先賢曾氏 先賢孔氏 先賢孟孫氏尙饗

陳設雍正元年定正五位每位用白色制帛一白磁爵三羊一豕一鉶二簠二簋二籩八豆八酒罇一配位每位用白色帛一銅爵三豕肉豕首一簠一簋一籩四豆四酒罇一兩廡每二位共白色制帛一每位銅爵三豕肉一簠一簋四豆四酒罇一

儀注祭日正獻官至更衣所時贊禮生引承祭官入祠左

門盥洗畢引詣殿階下正中典儀